

2 San Pedro

Mamabuinore soyuiyebu Pedro b́acu ũi toivacaiye b́aquede ýobocayoca paperayocare. Apevu ne d́api-aiyere, toivacarejaquemavu judíova Jesúre ju aipðevare, ne joborðare jocarí dajocaivu b́acavure, cürājivure apenoa joborðai, die āmiá Ponto, aru Galacia, Capadocia, Asia, aru Bitinia máre (1 P 1:1). Ŭbenita obedivu ne d́api-aiyere, toivacarejaquemavu caivu Jesúre ju aipðevare. Pedro b́acu judíovacacu barejaquémavu. Jesús ũi ýavaiye méne beorí soyuicðjeimvu marejaquémavu. Lucas b́acu toivarejaquemavu Pedro b́acui borore Hch 1:12-5:42 aru 9:32-12:19 aru cap. 15. Majidivu ne d́apiaiyere, toivacarejaquemavu diyocare āniñju b́acarðre 64 d.C. Ŭbenita āĩmaro Pedro b́acu ũi cürĩmaro ũi toivacaiyede diyocare caivu majibevu. Apevu “Babilonia āmicürĩmaroi cürejaquemavu” arí, aru apevu “Roma āmicürĩmaroi cürejaquemavu”, arí d́apiaivubu.

Toivacarejaquemavu Jesúre ju aipðeva, ne me járajiyere ayu Jũmenijicure ju abevu ne jujovabenajiyere ayu náre ne bueiye jáve āmeque, ne vainí turí b́jabenajiyere ayu ne ju aiyede jaruvarí (3:17). Soyurejaquemavu aipe ārojae jaerðre Jesúre ju aipðevare (1:1-15), aru aipe ārojae máquede Jesúi jáðovaiye b́aquede meacvu bajure aru Jũmenijicure soyucaipðeva mácavu ne ýavaiye jávene (1:16-21), aipe ārojaene borocuede bueivu ne soyuiyede (cap. 2), aru aipe ārojaene Jesucristoi copaidaquiyede (cap. 3).

*Pedro ũi meaicðjeino Jesúre ju aipðevare
(Tit 2.13)*

¹ Yábu Simón Pedro, Jesucristore memecayũ aru ñi yávaie méne beorĩ couñicõjeimaracasũ. Toivacaiũ yũ m̃jare, jũ aivũre cūinátũrũ ñ̃jaque Jũmenijicũre, majare meadairõesũ r̃eno meacsũ baju Jesucristore. ² Jũmenijicũ mearo đacajacsũĩ m̃jare bojesũbeda ñi me boje. Aru torojũĩ me cũre đajacsũĩ m̃jare cãrijimevũva r̃eno baju m̃je majiéque maje jabocũre.

Jesúre jũ airõeva ne mearo đaino
(Jn 21.18-19)

³ Jũmenijicũ coreóvare đaibi majare Jesucristore, ñai cutuyũ bácũre majare, maje ñ jina marajiyépe ayũ. Cũtuibi majare, maje cũvarãjiyepere ayũ me úpe aru maje đarãjiyepere ayũ mearore ñi đaiyepere. Caride maje coreóvaiye boje Jesucristore, Jũmenijicũ cũvare đaibi majare caiye jaéde majare, maje cũrãjiyepere ayũ me ñi jáinoi, úre memecaiũ ñi parúéque. ⁴ Ijãravũcavũ ãmena ãmeina dápiađama aru ãmedađama ne ãmeina đaiyũere. Que teni b̃jare ñũnama na. Ubenita Jũmenijicũ r̃eno meacsũ baju me dápiaibi aru me đaibi máre. Que teni cũbi me cainũma. Aru Jũmenijicũ “Mearo đacacsũyũtu yũ m̃jare”, ñi nrarõ mearo aino mácarõque, b̃jabede đaibi m̃jare, yópe ne bũoimarare dupini ñũre đaiyepere, m̃je cũrãjiyepere ayũ me úpe. Que baru m̃ja meara, me dápiaivũ, me đaiivũ máre bũojarãjivũbu. ⁵ Que baru jaũvũ m̃jare m̃je memenajiyepere, m̃je cũrãjiyepere aivũ me Jũmenijicũ jáinoi. Javede jũ adavũ Jesucristore. Jũ arĩ, meara tejarã m̃ja. Meara teni, coreóvajarã mearore aru ãmenore máre. ⁶ Mearore aru ãmenore máre coreóvarĩ, đaicõjeara me m̃je dápiaiyede aru m̃je đaiyede máre. Đaicõjени m̃je baju me, napijara m̃ja. Napini, me cũjarã m̃ja yópe Jũmenijicũĩ nrõpe úre memecaiũ. ⁷ Me cũĩ yópe Jũmenijicũĩ nrõpe úre memecarĩ, ñjarã m̃ja arevũ

Jesúre jũ aivũre yópe mũje ñepe mũjeyovare. Aru urĩ apevu Jesúre jũ aivũre, ñjarã mũja caivũre máre.

⁸ Mũja ðaivũ baru diede, aru caijãravũa pũeno baju ðaivũ baru diede, jũracũbenamu mũja. Aru mũje ðaiye bojecũbe ãmequiyebu. Quénora ñetũbevũva memecarãjivũbu mũja, mũje coreóvaiye boje me maje jabocũ Jesucristore.

⁹ Ñbenita ñai ðabecũ baru diede aru die jaũru úre, yópe põescũpe joarõĩ jãri eabecũ mimini quiĩjino jãñũ joabenoĩ, nopedeca jápiarĩ eabecũ cavarõ mearoquede, Jũmenijicũ jinore coreóvabebi. Quénora jápiarĩ eayũ ijãravũquede, coreóvaibi diede. Ñrecabe ãrũmeteyũ Jũmenijicũĩ ãrũmeteyũ báquede ñi ãmeina teiye báquede aru Jũmenijicũĩ jarũvaiye báquede ñi boropatejũroe báquede. ¹⁰ Mũja, jívu, que baru mũje memecaiye méque, mũje ðaiye mearoque máre, coreóvare ðajarã jáve Jũmenijicũĩ beoiye báquede mũjare, ñi cutuiye báquede máre. Que ðaivũ baru, mũja ye vainĩ turĩ bíjabenamu Jũmenijicũre jocarĩ. ¹¹ Que baru torojũrĩ corũ etaimara márãjivũbu mũja maje jabocũ Jesucristo, majare meãðayũ, ñi jaboteino cũiménoi.

¹² Que baru ãrũre cure ðaiyvũ yũ mũjare cainũmũa iye yávaiye ji coyũiyede. Javede mũja coreóvarejaquemavũ diede aru jũ arejaquemavũ iye yávaiyede jávene ne bueiye báquede mũjare. ¹³ Meavũ ãrũre ðayũ mũjare ji cuede cãreja ijãravũĩ iye yávaiye méne ji coyũiyede, mũje dápiare nũrajijeyere ayũ diede. ¹⁴ Maumejie yaicũyũtu yũ yópe maje jabocũ Jesucristo ñi majide ðaiye báquepe yũre. ¹⁵ Que baru ðaquiivũ yũ caiyede ji oainope, mũje ãrũri bũojarãjijeyere ayũ caiye iye yávaiye méne ji yainĩburu yóbore máre.

*Ina Jesucristo meacũ bajure jáivũ bácanũ ne coyũino
(Mt 17.1-5; Mr 9.2-7; Lc 9.28-35)*

2 San Pedro 1:16 4 2 San Pedro 1:21

¹⁶ Borocũbedejacarã m̃jare ñ̃je bueiye báquede maje jabocũ Jesucristoi paruéde. Aru borocũbedejacarã m̃jare ñ̃je bueiye báquede dacũyure cojedeca ijāravni. Ñ̃je bueiye báque ñ̃je baju dáriaiye āmevũ. Quénora ñ̃javacari járejacarã ñ̃je baju ñ̃je yacoruaque Cristoi urarõ paruéde. ¹⁷ Мажерасц̃ J̃menijicũvacari pueðarejame Jesúre aru mearore jídejame ĩre ñ̃i aiye báquede ñ̃i yávaino mearoque: “Ñ̃aime jímacũ, ji c̃mũ. Torojuvũ yũ ĩre”, arejame. ¹⁸ Aru ñ̃javacari járiarejocarã ñ̃je baju ñ̃je cá mucobeaque iye yávaino mácarõre cavarõ mearore jocarĩ ñ̃je c̃e báquede Jesucristoque dicũ c̃racũ meacũ bajuĩ, J̃menijicũ c̃e báque boje nore.

¹⁹ Ñ̃je jáino mácarõ aru ñ̃je járiaino mácarõ máre nopedecabu iye J̃menijicũ yávaiyede coyũcaiye báquere javede. Que baru iye J̃menijicũ yávaiyede coyũcaiye báqueque ñ̃ jáðovaimi jávene ñ̃je coyũiyede iye vaiye báquede ñ̃jare. Járiarĩ aðajarã m̃ja iye J̃menijicũ yávaiyede coyũcaiye báquede. Yóre p̃oibũque p̃eva ne quĩjino jári eaiyere ñ̃eminoi p̃ũ miad̃e t̃iyeta aru avia ñ̃i boiyeta ne járajyere aivũ me, nopedeca iye J̃menijicũ yávaiyede coyũcaiye báqueque ñ̃ coreóvare ðaibi m̃jare quĩjino p̃ũ Jesucristoi copaidaiyeta, ñ̃i coreóvare ðaquiye m̃jare me caiyede m̃je ũmei. ²⁰ Матар̃m̃ coreóvajarã m̃ja iyede: P̃oc̃ũ c̃bebi ñ̃i baju coyũĩ b̃o-jaũ aipe ayũrõre J̃menijicũ yávaiyede coyũcaino mácarõre ñ̃i toivaicõjeino mácarõre ñ̃i yávaiyede. ²¹ Que baru ñ̃i yávaiyede coyũcaũ b̃ac̃ũ c̃bedejaquemavũ coyũũ b̃ac̃ũ ñ̃i baju dáriainore yóre ñ̃i baju urõre. Quénora caivũ ina J̃menijicũ yávaiyede coyũcaivũ b̃ac̃avũ memecarejaquemavũ ĩre. Aru coyũrejaquemavũ ñ̃i dáriaiyede yóre ñ̃i urõre. J̃menijicũ Espiritu Santo coyũicõjenejaque-

manv̄ na mácv̄re.

2

Ina borocv̄ede bueiv̄re cov̄ino

(Mt 12.45; Lc 11.26; Jn 8.34; Ro 6.6, 16; Jud 4-13)

¹ Javede Israecav̄ b́acav̄ ne jēneboi cv̄rejaquemav̄ Jūmenijicv̄i ýavaiyede cov̄caipōeva v̄benina. “Jūmenijicv̄i ýavaiyede jāveneca ýavaiv̄bu ñv̄ja”, borocv̄r̄i arejaquemav̄ na mácv̄. Nopedeca bueipōeva v̄benina cv̄rājiv̄bu m̄je jēneboi. “Jūmenijicv̄i ýavaiyede jāveneca bueiv̄bu ñv̄ja”, borocv̄r̄i arājiv̄bu na. V̄benita yavenina buení b́rājiv̄bu ne ýavaiyede jāve āmene. Aru jv̄ abev̄vacari maje jabocv̄ Jesucristore, ñai mead-ayv̄ b́cv̄re náre, “Maje jabocv̄ āmemi v̄”, arājiv̄bu na. Yópe pōescv̄ v̄i bojedaiyere v̄i v̄rōre bojedainoi v̄ jino maquiyépe ayv̄, nopedeca Jesucristo v̄ jinare v̄abi náre v̄i meiyē báque boje v̄i jivede. Aru ne ýavaiyede jāve āmene bueiye boje, maumejiena b́jare v̄arājarama ne baju. ² Obediv̄ pōeva náre jv̄ arí, ýovarí n̄ri, napedeca v̄rarō āmeno v̄arājiv̄bu. Ne v̄aiye boje nópe, āmeina ýavarājarama ina jv̄ aiv̄re Jesucristore. ³ Av̄jinajiv̄bu na arev̄ni cv̄vede, t́autv̄rare máre. Que teni jv̄jov̄arājiv̄bu m̄jare ne bueiye borocv̄eque, ñnav̄ m̄je cv̄vaede. V̄benita javede Jūmenijicv̄ “Ina borocv̄ede bueiv̄ ñáv̄jinar̄ama”, arejaquemav̄. Que teni b́jarājarama na Jūmenijicv̄re jocarí.

⁴ Ina ángeleva āmeina teiv̄ b́cv̄re Jūmenijicv̄ av̄metebedejaquemav̄ ne āmeina teiye báquede. Quénora darorí jarv̄v̄arejaquemav̄ náre ñeminitucubv̄i, ina ñáv̄jinajiv̄re ne coreinoi. Nore nárecabu v̄oimara t́aumeaque coreiv̄ rv̄ Jūmenijicv̄i ñáv̄jiovaquij̄rav̄ baquinóita.

⁵ Quédeca ina ijāravꝯcavꝯ javecavꝯ bācavꝯre máre, Jūmenijicꝯ āꝛꝯmetebedejaquemavꝯ ne āmeina teiye báquede. Quénora ocare đarĩ, muivári yaidé đarejaquemavꝯ caivꝯ ina āmeina đavꝯ bācavꝯre. Ŭbenita meadarejaquemavꝯ Noé mácꝯre, ñai coꝯꝛe curĩduꝯ bācꝯre pđevare ne mearore đaiye jaꝯquiyere arĩduꝯ bācꝯre. Aru aꝛevꝯ siete paivꝯ bācavꝯre quévꝯra Noé mácꝯque Jūmenijicꝯ meadarejaquemavꝯ muiváibore jocarĩ.

⁶ Quédeca Sodoma aru Gomorra máre āmicꝯriĩmaroacavꝯ bācavꝯre Jūmenijicꝯ āꝛꝯmetebedejaquemavꝯ ne āmeina teiye báquede. Quénora cūꝛaboꝯ uruiboa darorĩ ocainopedeca, éni bíjare đarejaquemavꝯ caivꝯ diĩmaroacavꝯ bācavꝯre. Que teni diĩmaroꝯ quédeta ũꝛapena teni cūinējaquemavꝯ. Que đarĩ, Jūmenijicꝯ coreóvare đalbi caivꝯ ijāravꝯcavꝯ curājivꝯre āmeina đavꝯ bārājivꝯre ũ ñájine đacꝯꝯꝛe na mārājivꝯre ne āmeina teiye baquiyé boje. ⁷ Ŭbenita meadarejaquemavꝯ Lot bācꝯre, ñai meacꝯ bācꝯre. Ŭrarō chĩoñꝯ marejaquémavꝯ Lot bācꝯ ũi ũmei ina Jūmenijicꝯre jꝯ abevꝯ bācavꝯre ne āmeina teiye báquede. ⁸ Ñai ũꝛꝯ meacꝯ cꝯcꝯ barejaquémavꝯ ne jēneboi. Aru ñájĩñꝯ marejaquémavꝯ ũi ũmei ũi jáiyede aru ũi járiayede máre ne vainí tuiyede jāravꝯa coꝛa.

⁹ Maje jabocꝯ Jūmenijicꝯ majibi meadꝯꝯ ina ũꝛe jꝯ arĩ mearo đavꝯre yóꝛe ũi ũꝛōꝛe, jꝯjovavꝯre jarꝯvarĩ. Aru ũ majibi coreꝯꝯ ina ũꝛe jꝯ abeni āmeno đavꝯre, ñájinajivꝯre ꝛꝯ ũi ñájiovaquijāravꝯ baquinóita. ¹⁰ Jūmenijicꝯ ñájine đacꝯꝯꝛe ina torojꝯrĩ đavꝯre āmeina ne baju ũꝛōꝛe aru jꝯ abeni āmeina jáivꝯre ũꝛe aꝛevꝯ ꝛꝯeno.

Puedabenama ina borocꝯede bueivꝯ. Đadama yóꝛe ne baju ũꝛōꝛe. Aru jidꝯbevꝯva āmeina yávadama ina ꝛꝯeno ꝛꝯꝛivꝯre. ¹¹ Que teivꝯreca ina ángelevacꝛꝯravꝯ, ne

p̄eno paruriv̄u aru ne p̄eno cōjeiv̄u máre, p̄edarĩ
 ãmeina yávabename ina p̄eno paruriv̄ure J̄menijic̄u
 jáinoi ñájine ðarājiv̄u náre. ¹² Ûbenita ina borocuede
 bueiv̄u coreóvabename ina p̄eno paruriv̄ure ne ãmeina
 yávaimarare. Que baru ãimara ãr̄umev̄ure dáriabev̄una
 ðaðama yópe ne baju ur̄õpe. Yópe p̄õeva ne j̄eyere
 ãimarare boarájiv̄u náre, nopedeca na máre bíjaroimara
 márājiv̄ubu, ne bíjare ðaiye boje arev̄ure. ¹³ ãmeina ñáji-
 najiv̄ubu na yópe ne baju ãmeina ñájine ðaiyere arev̄ure,
 ne ñájiye ðaiye boje arev̄ure. Toroj̄uve teðama ùbenina
 járav̄ure aru ñamine máre. Que teni ðaðama yo ãmenore,
 c̄uyoje tenajiv̄u ne baju p̄õeva ne c̄uyojeda jáiyede. Aru ne
 yóvar̄ãñ̄iyede m̄je toroj̄uve teinoi c̄uyoje tede ðaðama
 m̄jare ne toroj̄ur̄i j̄jovaiyede m̄jare. ¹⁴ Áco nomió ne
 jáimore ãmenore ðaiyur̄i dáriaiv̄ubu óque. Ût̄ubev̄una
 ãmeina ðarĩ ne ãmeina teiyede dajocaiye majibema na.
 Vainí t̄ure ðaðama ina j̄u aiv̄ure Jesucristore par̄ubev̄una
 c̄areja ne j̄u aiyede úre. Náre j̄jovaðama yópe moa
 boair̄ões̄u ñi jajovaiyere moac̄ure c̄úvaque. Cain̄m̄na
 dáriaðama ne c̄v̄aiyuede caiye ne jáiyede. Que baru
 ur̄ar̄õ ãujiñama na. Nárecabu J̄menijic̄u ñájine ðaimara
 márājiv̄u. Que baru ñi coavaimara márājiv̄ubu úre jar̄u-
 varĩ. ¹⁵ Dajocaðama ne j̄u aiyede J̄menijic̄u yávaiyede
 jávene. Que teni mamateðama ne baju yópe p̄ões̄u mái
 n̄uri macar̄õi ñi mamateiyere ñi dajocaiyede ðimare jo-
 carĩ. Ðaðama yópe Balaam mác̄ure. Ñai Balaam mác̄u
 Beor b́ac̄u mác̄u barejaquém̄v̄u. J̄menijic̄u yávaiyede
 coȳc̄air̄ões̄u b́ac̄uv̄acari, boroc̄es̄u barejaquém̄v̄u. Ûi
 ãmeina teiye báque boje, bojede vorĩ eaiyur̄idurejaque-
 mav̄u ñi mác̄u. ¹⁶ Ûbenita ñi tubam̄, ãimac̄u yávabes̄u
 b́ac̄u, jararejaquem̄v̄u ñi mác̄ure. Yávarejaquem̄v̄u úre

ape yávaiyeque yópe pōescui yávaiyepe, dajocare đacսսս նի Jմenijicսi yávaiyede соуңсаирōescս бáсսre ии đaiye báquede āггтесսre.

¹⁷ Yópe pōeva ocore earĩ coreniduivս ne chĩoiyepe ococobe pĩaróri poroiye boje, nopedeca pōeva chĩodama ina bueirpōeva borocսrivս ne bueiyeque, ne jսjovaiye boje. Aru yópe ocopenibo ũmenսque jarurĩ jaroiyepe pōeva majibevսva, nopedeca ina bueirpōeva borocսrivս ne bueiyepe majibenama, ne jսjovaiye boje. Que teni ne bueiye báque bojesսbevս. Que baru Jմenijicս mead-aibi náre ne сггјino рггeno baju նeminore, ne նјinajinore. ¹⁸ Yávađama parսéque yópe majidivս ne yávaiyepe. Ёbenita quéda ёbenina yávađama na. Apevս pōeva dajocadama ne bueiye jáve āmene jarսvarĩ, yópe buoimս ии dupini пггiyepe. Đaicōjeivսbu náre, ne đarјiyepe aivս cojedeca no āmenore yópe ne dajocarĩduino mácarōpe. ¹⁹ Yópe arĩ, соуңivսbu náre: “Mսjа yebacavս āmevս. Que baru đajarā caiyede yópe mսje baju սrōpe”, adama na. Ёbenita ne que aiyedeca, nárecabu yebacavսpe paivս. Ne āmeina đaiyսede đaicōjeiye boje náre, bíjarјarama na. Njai đaicōjeиս apevսre, ұrecabe ne jabocս. Aru apevս ии yebacavսbu. Nopedeca pōescս apejтene đaicōjeimս maru, ұrecabe yebacavսpe ráyս. ²⁰ Ina pōeva jarսvaivս báсavս ijáravսсavս ne āmeno đaiyede, ne coreóvaiye boje maje jabocս Jesucristore, majare meadairpōescսre, oatսvaivս baru ne ũmene, āmeina tenajivս cojedeca, buojarјarama na āmena ne mamarսггure āmeno đaino mácarō рггeno. ²¹ Ne jarսvaru Jմenijicսi đaicōjeiye méne ии соуңiye báquede náre, рггeno baju meajebu náre, ne majibedu iye bueiyepe aipe đarĩ pōeva сггĩ buojarјjivս mearare Jմenijicսi јáinoi. ²² Đadama na yópe majidivս ne соуңino mácarōpe: “Yavimi copedini āиггe ии baju

bijoiye báquede. Aru v́arico ne cuyavaimo máco copainuri paraðobe yaoburá”, adama na.

3

Maje jabocu ñi copaidaquinore coyñino

(Mt 24.43; Lc 12.39; 1 Ts 5.2; 2 Ti 3.1-5; Jud 18; Ap 16.15; 21.1)

¹ Muja, ji umara, caride toivacaivn mujare cojedeca. Javede toivacacn mujare areyoca paperaoyocare. Diyoca pucayocaque arure ðaiyvvn mujare iye bueiye de jãvene mje jãriaiye báquede, mje dáriarãjiyere ayu nurié. ² Arujara ina Jñmenijicni yãvaiyede coyucãirðeva mácavn, Jñmenijicne memecaivn bácavn, ne bueiye báquede mamarumre. Arujara maje jabocu Jesucristo, majare meaðairðecn, ñi ðaicðjeiye báquede máre ñi yãvaiye méne beorí coyucðjeimara ñje bueiye báquede mujare.

³ Mamarumre coreóvajarã muja iyede: Ñnijãravna bwojaquijãravna baquiyéde, Cristoi copaidaquijãravn jipocare, darãjarama rðeva Jñmenijicne jã abevn, yurivn, aru ne ãmeina ðaiyere ðaivn. Yurinajarama Jñmenijicne aru Jesucristore jã airðevare máre. ⁴ Yurini, yóre arãjarama na: “Muja aivn, ‘Copaidacnyntu yn ijãravni’, arejameða Cristo, aivnbu muja. Jãve maru no, ¿Ári curi ñ? Obediujna vaivn majeñecuva mácavn ne yainíburu yóbore. Aru ne curinmre, caride máre, caiye vaivn cñináturu iye vaiye báquepedeca Jñmenijicni ijãravne cñedainm yóbore”, arí yurinajarama na.

⁵ Ubenita nácapuravn coreóvaiyubenama Jñmenijicni cñedaiye báque caijene. Mamarumre Jñmenijicn cñedarejaquemavn cavarðre aru joborðre máre ñi yãvaiyeque. Cñedarejaquemavn ijãravne ocoque aru oco jêneboi. ⁶ Aru ocoque máre jarvnarí bíjare ðarejaquemavn

ānijāravņsavņ bācavņre muiváiboque. ⁷ Aru caride máre meadauņbe ijāravņre, cavarõre aru joborõre máre, ũi yávaiyeque. Meadauņbe ijāravņre pņ ũi űájiovaquijāravņ baquinóita, ũi űájine đaquiyede caivņ āmenare, ne coatenajiyere ayņ ũre jarņvarĩ. Dinņmņ maquinóre cūiné đacņyņme ijāravņre toaque.

⁸ Mņja, ji űmara, āŗumetebejarā iyede: Jņmenijicņ jāņņme cūinájāravņ vainore yóre maje jáiyere mil paiņņa vainore. Aru Jņmenijicņ jāņņme mil paiņņa vainore yóre maje jáiyere cūinájāravņ vainore. ⁹ Maje jabocņ Jesucristo “Copaidacņyņmu yņ” arejame. Ŭbenita arevņ põeva ne majiére, ne jāravņare corevaiyere, đuibajĩemu ũi daiyņrĩduino. “Dabebi cāreja. Que baru dabecņyņme”, arĩ dáriadađama űbenina. Ŭbenita daiyņbecņ āmemi. Quénora nariņņme mņjare. Jņmenijicņ űbi caivņ põevare meadaimara marajiyére ayņ. Que baru űbebi ű cūinácņ ũi coateiyede ũre jarņvarĩ toabo cūiméboi.

¹⁰ Yóre űnavairõescņ daiyere űnamine, põeva ne majibede, nopedeca dacņyņme Jesucristo, põeva ũre ne corebede. Dinņmņ maquinóre yo cavarõ cūiquíyebu űrarõ jidojarõ bņjinoque. Aru caiye iye ijāravņi cņe báque me éni cūiquíyebu toaque pņ ne bíjarĩ cūiyeta. Aru maje curijoborõ máre, caiye ijāravņque máre, Jņmenijicņi cņedaiye báque, põeva ne đaiye báque máre, me éni cūiquíyebu.

¹¹ Que teni caiye bíjarĩ cūiquíyebu. Que baru me cņjarā mņja meara teni Jņmenijicņi jāinoi ũre memecaivņ. ¹² Napini corejarā maje jabocņ Jesucristoi copaidaquiyede. Aru đajarā mņja caiye iye jauéde mņjare cāreja ũi daquiyे jipocare. Que teni daicõjenajivņbu mņja ũre maumena. Dijāravņ ũi copaidaquijāravņ baquinóre, yo cavarõ me éni cūiquíyebu toaque pņ bíjarĩ cūiyeta. Aru

caiyē iye ijāravūi cūe báquede toaijiquiyebu toaque pū ēnuricoro teni cūiyeta. ¹³ Ūbenita cūquiyebu cavarō mamaro aru joborō mamaro máre. Jūmenijicū aibi majare, “Apejāravū mamajāravū meajāravū baquinó cūquiyebu jāve”. Aru caivū dīnūmū maquinócavū meara cūrājarama cainūmūa Jūmenijicūi jāinoi.

¹⁴ Mūja, jī ūmara, mūje napini coreiyedeca diede đajarā caiyede mūje oainope, maje jabocūi eaquiyere aivū mūjare āmeno cūbevūre. Quénora eajacūī mūjare pūeno baju mearare aru me cūrivūre cārijimevūva. ¹⁵⁻¹⁶ Coreóvajarā iyede: Maje jabocū Jesucristo napini coreibi pōevare, ne meadarājiiyere ayū. Quédeca caiyoca ūi paperayocaque toivaicōjequemavū diede majecū, maje ūmū, Pablo. Apeyoca ūi paperayocare apēvū pōeva jāpiarīduyama. Ina majibevū aru ina jū aivū Jesucristore parūbevūva cāreja coyūrīduyama aipe aiyūrōre iye ūi toivaicōjeiye báquede aru ape toivaiye báquede máre, Jūmenijicūi toivaicōjeiye báquede ūi yāvaiyede. Ūbenita ūbenina coyūyama na. Que baru ne baju coatedama Jūmenijicūre jarūvarī.

¹⁷ Mūja, jī ūmara, javede majivū mūja diede. Que baru me jājara ina pōeva Jūmenijicūre jū abevūre, ne jūjov-abenajiiyere aivū mūjare ne bueiye jāve āmeque, mūje vainí tūrī bījabenajiiyere aivū mūje jū aiyede jarūvarī.

¹⁸ Quénora pūeno baju nūjara mūja, Jūmenijicūi mearo đacaimara bojecūbeda ūi me boje. Aru pūeno baju coreóvajarā maje jabocū Jesucristore, majare meadāipōecūre. Mearore jīnajarevū ūreca caride aru cainūmūa, jāđovarajivū ūre meacū bajure. Quédecabu. Quénoramū.

Мажерасу јѹменижѹај ѡвѡије мамаене соуѹитѹубо
New Testament in Cubeo (CO:cub:Cubeo)

copyright © 2009 Wycliffe Bible Translators, Inc.

Language: Cubeo

Translation by: Wycliffe Bible Translators, Inc.

Cubeo [cub], Colombia

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cubeo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22
